

WIEN UN DEE BIBOL:
CHRISTUNTUUM AA SCANLONSHA FALA
Bootshofft 6

ENNLEIDUNG: (Fu woo disu Wiad uut too shraekjun see daut 'Uutshpraekjungs Blaut'. For pronunciation see the 'Uutshpraekjungs Blaut'.

Wie senn enn disu Bootshoffttun butt dee Shrefftshtada no too seen wooa sikj daut kloa hiat daut unn bat Alcohol dringkjun arlaabt ess bie Gott. Ditt senn ukk jrots dee Shreffttun waut habun, waut ekj nann dam Scanlonshun fala awa Wien enn dee Bibol halpt maekjun. Wie habun ol no 1 Moosus 49:12 unn 3 Moosus 10:1-11 jukjikt. Enn disu latstu Shrefftshtad hab ekj faa jushlaugun daut wann dee Priesta wia fubodun Alcohol dringkjun eeja hee deend enn Gott sien Huus, dann mott wie but dam enschluss komun daut ditt unn jufaadolja Dringk ess, soo jufaadlich daut wann dee Priesta mucht unn bat too fal dringkun dann wood dee nich kjenn tweshun raicht unn oraicht unja'sheedun.

Unn wann wie jleewun ditt radt fonn unn jujaedun Dringkj, dann mott wie ukk butt disum entschluss komun daut wann dee Priesta nich em deenst wia, dann kunn dee too aulu Tiet disun jufaadoljun Dringkj dringkjun. Unn soonu waut nich em Deenst wiarun kunun dam jufaadoljun Dringkj too aulu Tiet dringkjun.

Oba ekj hab faajushlaugun daut dee uusaakj wooarom see nich sulun 'Yayin' ooda 'Shaykowr' dringkun wann see enn dam Deenst enn Gott sien Huus shauftun, daut wia doa waejun daut aulut jutraumpoldut Judrenkj buweiss Billtlich Gott sien oiya. Unn ann aum dengk halpun hoolun woo Gott sien oiya wia awa Nadab un Abihu jukomun aus see nich raicht deedun em deenst, sullun see nusht dringkjun waut fonn jutraumpoldu Barrun kjeem. Ditt wood halpun ann aum Dengk too hoolun daut Gott wuud sien oiya uutjeetun awa ann wann see oracht deedun em Deenst.

Ekj shlo faa daut dee fushtentnuss daut unn bessju Alcohol dringkjun aunjunam ess bie Gott ess, waut ekj hab unn Scanlonsha Fala junant. Dee Schanlonsha fala ess wann dee miarheit een Waich jleeft doa waejun daut sikj daut soo kloa sitt daut ess soo aus ditt, oba daut ess oraicht. Soo jleew ekj ess daut fu daut Kjrisstuntuum mett Wien enn dee Bibol. Ekj shlo faa daut Gott sien Karakta kjempt opp dee proow. Unn ukk daut dee Shreffshtada waut wie nuu no seen

senn dee wuat onns disun fushtentnuss habun jujaft. Nu well wie noch unn poa meeja Shreffshtada no seen unn daut senn Mattajus 9:17, Lukas 5:37-39, unn Matajus 26:26-29.

B. Matt. 9:17; Luke 5:37-38

E'm niat Tastement fang wie aun mett Mattajus 9:17, unn Lukas 5:37-38. Wei fangun dan aun mett Matajus 9. Wie woarun 14-17 lasun: "Dann kjeemun Juhaunus sienu Jinga no amm unn sadun, 'Wooaromm doo wie unn dee Foarisaja faakun fasstun, oba dienu Jinga doon' nich Fasstun?' Unn Jeesus sad too ann, 'Kjenn dee Frind fonn dam Briegraum truarn soo lang aus dee Briegaum bie ann ess? Oba dee Daugol woarun komun wann dee Briegaum woat waich junomun woarun, unn dann woarun see fasstun. Kjeena deit unn biet Zeich waut nich enjushprungun ess aun een oolut Kleedich neijun, dann daut aunjuneidut biet ritt waich fonn daut oolut unn dann woat dee traning oiija. Maun deit ukk nich nia Wien enn oolu Wienladash nenn, suss rietun dee Ladash twee unn dee Wien jitt uut. Oba dee doon nia Wien enn nia Ladash nenn unn dann woarun dee beid oppbuwoat."

Dee Fraug waut Johaunus dee Deepa sienu Jinga fruagun wia wooaromm Jeesus sienu Jinga nicht Fausstun deedun. Unn ekj woa dam Auntwoat fukjarturn soo auss ditt. Waut Jeesus ann prooft too liarun ess daut Dam Deepa sienu Jinga unn dee Foarusaaja aaru Jinga wiarun enn nu oolu Tiet, unn sienu aajunu Jinga fongun nuu nu nia Tiet aun, unn eena wood nich unn niat biet Zeich brukkun toom unn Loch enn oolu Kleeda too neijun. Eena wuud ukk nich nia Wien enn oolu Ladash jeetun, suss wuud dee nia Wien daut oolu Lada twei rietun.

Nuu wann wie Jeesus sien Fujliknus fonn dam nian Wien jrod soo buseen, dann wuud wie sai jun daut wann dee nia Wien Jaarun deed, dann wuud dee dee oolu Ladash twei rietun. Onbudingkt wuud wie jleewun daut wann ditt nich Wien wia waut doa jaarun deed dann wuud daut ukk nich dee oolu Ladash twei rietun. Wann eena jleeft daut dee Bibol, wann dee fonn Wien radt, emma fonn jujaadun Wien radt, dann wuud eena gaunts dietlich hia ruut liarun daut nia Ladash wordun jubrukket doa derch daut daut soo fal uutraikjun kunn daut daut jaarun kunn onn' daut dee Ladash twei reetun. Ditt, wuud eena jrod soo dengkun, brukt nich

mol jushtudiat. Daut ess gaunts kloa. Oba, ekj jleew ditt ess wada unn 'Scanlonsha Fala'. Waut nuu too onns gaunts kloa ess, wuudun dee too Jeesus sienu Tiet niemols soo fushton' habun aus wie nuu doon.

Nuu lot mie ditt sai jun, unn juunt woat sikj daut seeja framd hiarun, oba jie kjenn juunt daut nohaa aula lang no dengkun. Soo aus ekj fushton' hab, deedun dee nich Wiendruwun Sauft enn Wienladash nenn toom daut doa too jaarun lotun. Dee deedun freshun Sauft enn dee Ladash nenn toom daut hoolun fonn jaarun! Dee deedun ditt omm dam Sauft opptobuwoarun, unn fresh too hoolun. Wann nia Wien wort enn nia Ladash judon' dann deed daut nich jaarun, wann daut wort gaunts Lofftdicht jumaekt.

Oba, wann nia Wien enn oolu Ladash wort judon' dann fongk daut aun too jaarun trotsdam wann dee Ladash wordun Lofftdich jumaekt, unn dann reetun dee Ladash twei, aus dee nie ooda oolt wiarun. Patton, enn sien Buuak shrifft fonn unn Chambers unn dee saicht soo, "Dee Juwault fonn Wiendruwun waut doa jaarun ess seeja groot, unn kaun dee shtoikstu Tonn, wann dee gaunts dich too jumaekt woat, uutuneen blosun."

Nuu, woaromm wuud unn oolut Lada doa nich too goot senn? Ess daut Lada nich soo shtoak aus niat? Na, daut ess doa waejun daut wann dee Ladash lotta e'm Joa op jumaekt wordun, unn wan dee iasht ladich wiarun dann wia doa aun dee kauntun daut awabliefsol fonn dam Wiendruwun Sauft. Wann dee ukk seeja rein jumaekt wordun, wia doa doch noch junuach Haw benn toom nian Wien maekjun Jaarun. Daut ess bujlikk soo auss wann wie dikju Mailkj maekjun. Wann eena doa unn bat fonn dee oolu dikju Mailkj enn dee nia Mailkj nenn deit dann oabeit daut fal bosja.

Soo wia daut donn daut dee musstun nia Wien enn nia Ladash nenn doon. Ekj las wada unn bessju fonn Patton. Hee saicht, "Dee nia Ladash, doaderch daut dee frie wiarun fonn aulut Haw, wiarun seeja wichtich freshu Sauft opptobuwoarun. Daut wia nich daut dee jaarun uuthoolun kunn, oba doa derch daut wann dee rein wiarun fonn Haw, unn dich too jumaekt wordun, soo daut kjeenu Lofft doa bie kunn, hildun dee dam Sauft fresh." Unn dann shrifft diss Maun fonn noch eenum, Columella, unn hee saicht, "Columella, waa too

dee Apostuln aaru Tiet lawd, enn sien Ru'sap toom Wien emma Seet (fresh) hoolun, saicht seeja kloa daut dee nia Sauft emma enn een niat Jufas wort judon."

Soo dann fraug wie, woaromm musst nia Wien enn nia Ladash judon'? Nich doaderch daut dee nia Ladash daut kunn uuthoolun wann daut jaarun deed, dee kun' nich. Daut wia too'm dam Sauft fresh hoolun. Unn daut heet Wien. Disu Shreffft shtad waut wie ferr onns habbun liat kraikt daut jaajundut waut wie naturlich denkjun wuudun. Ditt ess wadda unn Scanlonsha Fala! Unn wieda, diss Fushtentniss jeit unn langut eng onns too wiesun daut dee Juudun fal Sauft opbuoadun enn soonu Jufasa, unn dam on jujaet hoolun.

Ekj socht opp Internet no aun Wien maekjun. Eena kaun nu Reistauch bushtallun toom Wien maekjun. Fallu fonn disu Taushun habbun dam Sauft enn dee Taush. Dee maekjun dam Sauft heet unn doon daut enn nu Lush nenn wooa aul dee Lofft ruut jutrukkun ess, unn see sai jun daut dissu Sauft blifft fresh butt 3 Joa.

C. Lukas 5:39

Nuu, Lukas jeit noch unn kjlienut bat wieda aus Mattajus enn disu selfsju sach. Hee saicht en 5:39, "Unn kjeena, waut oolut Wien juhaut hafft fulangt fuuts niat, dann hee saicht daut oolut ess bata." Nu waut daut hia mengt, wuud wie sai jun, ess gaunts kloa. Siajun dee waut Wien dringkun nich daut du ela dee Wein, du bata? Oba daut ess lang nich emma soo met Wien waut bloos jumaekt woat derchum daut jaarun lotun.

Dee Wien waut enn nu Shnaupsbrennarie jumaekt ess woat fleich fu lang bata, soo wiet aus jushmak ombulangt ess. Oba dee Shnaupsbrennarie wia nich too Bibol Tiet. Unn dee Wien waut aundash jumaekt woat ess eensjumol bloos opp eent ooda twee Joa goot, unn dann fangt dee aun sooa too woarun. Dee Wien waut too Jesus sienu Tiet sooa wort kofftun soonu aus dee Suldotun, dann dis Wien wia fal bilja. Wann woat jusaicht fonn Wien, "Du ella du bata" wia too Bibol Tiet nich emma soo.

Waut mengt disu Farsht dann? John Gill saicht daut disu Wiad, "Kjeena, waut oolut Wien juhaut hafft

fulangt fuuts niat", ess unn Shprechwoat. Fonn waut radt daut? Daut radt fonn daut Maun nich Fuendaniss jleicht. Johaunuss dam Deepa sienu Jinga habbun Jeesus nu Fraug jushtallt fonn fasstun. Unn Jeesus jefft hia auntwoat. Unn daut hafft sikj too doon mett nu fuendaniss waut jukomun ess unn ann ess daut nich mett.

Nuu, daut wuud sikj nich fal uut maekjun opp dee Sach wooa wie nuu senn aus ditt fonn jujaedun Wien radt ooda nicht. Oba, ekj jleew doch daut ditt nich fonn jujaadun Wien radt. Enn disu Farsht ess een Wuuat waut mie daut maekt jleewun daut ditt nich fonn jujaadun Wien radt. Daut saicht, "Kjeena, waut oolut Wien juhaut hafft fulangt fuuts niat". Daut ess ditt Wuuat 'fuuts' waut mie ditt maekt jleewun. Maun ess disum fuendaniss nich juwant, fonn daut oolut butt daut niat unn dam ess daut nich futs aunjunam. Oba, met du Tiet woat hee daut enn daut daut doch bata ess. Daut ess daut hee daut bloos nich fuuts enn woat. Wann ditt fonn jujaadun Wien radun deed, wann dee Wien noch nich sooa juwordun wia wood dee daut niat niemols bata jleichun.

D. Mattajus 11:18-19, Lukas 7:34

Nuu well wie Mattajus 11:18-19 unn Lukass 7:34 unn bat no seen. Ekj woa nuu iasht Mattajus 11:16-19 lasun. Jeesus radt hia fonn daut jushlaicht waut too dee Tiet lawd, unn hee saicht: "Met waut sull ek ditt Jushlaicht fujlikkun? Daut ess soo aus dee Kjingja waut em' Moakplauts settun unn roopun aaru Kom'rodun, unn saijun, 'Wie shpaldun dee Fleet fu juunt, unn jie dauntstun nicht; Wie truadun too juunt unn jie hieldun nich.' Dann Johaunus kjeem unn eet unn drungk nich, unn see saijun, 'Hee hafft een beesun Jeist.' Dee Menchun San kjeem, deed atun unn dringkun unn see saijun, 'Seetumol, unn Frata unn unn Wien suupa, unn Frint mett dee Takskollaikta unn Sinda!' Oba Weissheit woat juraichtfoadicht fonn aaru Kjingja."

Nuu, wann wie disu Shrefftshtad bu'obachtun, dann see wie daut see sadun nich, "Unn Frata unn unn Suupknuust." Soona waut too fal att ess unn Frata. Opp Engolsh heet daut een glutton. Soona waut too fal jujaadun Wien dringkt ess emma doon. Wie wuudun

siajun unn Suupknuust. Opp Engolsh siaj wie un drunkard. Soona waut fal doon ess.

Oba see sadun hia nich daut hee unn Suupknuust wia. See sadun hee wia unn Wiendrinkja. Ditt radt fonn een Mench waut nusht doon'n well unn sikj emma romm sett toom atun unn dringkjun. Fu Fruu lied much wie saijun dee sett emma biem Tee. Fu Maunslid mucht we saijun dee sett emma emm Koffu huus, Coffee shop. Soonu waut sikj emma romm settun unn haben waut too dringkjun soo aus e'm Cafe, opp Engolsh saij wie, "They chew the rag", dee kaewun daut Koda. Waut doon dee? Dee senn emma ennu futall. Daut ess unn juplaupa. Wie woarun lota seen woo weinich dee Shreffft helt fonn soont.

E. Matajus 26:26-29

Nuu go wie butt Matajus 26:26-29. Enn disu Shreffftshtad hab wie dee Tiet aus Jeesus mol daut Ovuntmol enn fiad. Unn daut saicht, "Unn aus see eetun, noom Jeesus daut Broot, unn saiwnd daut unn bruuak daut, unn jeef daut no dee Jingja un sad, 'Nampt, at, ditt ess mien Kjarpa.' Dann noom hee daut Kuffol unn jeef Dangk, unn jeef ann daut unn sad, 'Dringkt jie aula fonn ditt. Dann ditt ess mien Bloot fonn daut niat Tastement, waut uutjugotun ess fu falu, omm waich too doon mett dee Sindun. Oba ekj saij too juunt ekj woa daut Frucht fonn dee Wienrangk nich meeja dringkun butt ekj daut nie dringk mett juunt enn mien Foda sien Kjennikrikj."

Nuu, dee Fraug ess hia, wia ditt jujaada Wien ooda onjujaada? Dee Fraug too buauntwuutun mott wie trigon' bott 2 Moosus 12. Hia wort dee Passafast mol toom iashtut mol enn jufiat. Daut ess diss namolja Dach waut wie daut Owuntmol fiarn. Unn nuu, enn dee 17 Farsht saicht daut soo, "Soo sell jie dam Fasst fonn daut Onjusuadut Broot fiarn, dann aun disum selfstjun Dach woa ekj juunu Armee haben ruut jubrocht uut daut Ajiptun Laundt. Doaderch sell jie disum Dach fiarn enn aul juunu Jushlaichtun aus eenu eewlichju Ordnung. Enn dee iashtu Moonat, aum 14 dach, too'm owunt, sell jie Onjusuadut Broot atun butt dam 21 Dach aum Ovunt enn dee Moonat. Jie sellun nusht mett Haw atun; enn aul juunu Wonshtada sell jie Onjusuadut Broot atun."

Mangk dee Juudun wia daut nu seeja shtrengu Lia daut doa nusht mett Haw e'm Huus wia fu disum Fast. Doa kjeem emma nu Tiet aus see disu Moltiet fiadun daut dee Kjinga wort jushekt toom seen aus doa noch arjunt waut wia e'm Huus waut Haw haud. Wann dee Kjingja arjunt wuat fungun, dan wort ann buloont doa faa. Ditt woat noch too onsum Dach mangk dee Juudun.

Nuu, jujaada Wien hafft Haw. Doafonn kje wie kloa liarun daut Jeesus nich wuud haben jujaadun Wien judrungkun aun disum Dach. Jie kjenn juunt 1 Korinta 5:1-8 no lasun unn seen daut doa nich Haw sull senn' aun disum Fast.

F. Acts 2:13

Nuu go wie dann no Apostoljushichtun 2:1-15. Hia ess bushrawun woo daut mol juwordun ess aus dee Kjoak juboorun wia, unn woo dee Heilija Jeist ess opp dee Menchun jukomun unn see haben mett aundru Shpraekjun juradt. Nuu enn disu Shrefftshtad ess daut wada leicht unn Scanlonsha Fala too maekjun wann eena nich opp paust. Enn dee 13 Farsht saicht daut, "Aundru shpottun unn sadun, 'Dee senn fol nia Wien.'" Nuu falu haben fonn ditt junomun daut diss nia Wien unn jujaeda Dringk ess juwasst. Oba, nia Wien ess nich jujaeda Wien! Nia Wien ess seet unn seeta Wien hafft noch nich jujaet. Wann dee Sukka eemol jujaet hafft dan dreit daut enn Jefft nenn, unn ess nich meeja seet! Dee Jriekashu Shreffft saicht hia daut wia seeta Wien (gluekos).

Nuu fraug ekj, woo wuud daut un jushpot senn wann disu hia sadun, "Dee senn fol nian Wien"? (*Left some out here to save space.) Wann see haudun werkjlich jujleeft daut disu duun wiarun, dann woodun see jusaicht haben dee senn foll 'Wien' nich 'nia Wien'. Aun nia Wien kaun eena sikj nich busuupun. Doawaejunts fraug ekj woaromm daut saicht see doon shpottun?

Soo aus ekj daut busee ess daut soo juwasst. Disu Manna haben juwisst daut Jeesus unn sienu Jingja nich jujaedun Wien drungkun. Dee drungkjun bloos Wiendruwun Sauft waut seet blifft. Daut dee Jingja hia nich senn duun juwasst woat gaunts kloa senn

juwasst doaderch daut see soo dringjunt unn eiruntslich juradt habun. Oba disu framdbu Shpraekun hiarun sikj no un jukwakka doa derch daut disu shpatta dee nicht fushtundun ooda daut nicht wullun fushtonun. Unn daut waut see fleicht fushton' habun habutn see nich wult hiarun dann see radun fonn disum Jeesus waut see doot jumaekt habun.

Nuu radun dee Jingja hia mett fal Shpraekun unn see shpiktaekoln doa awa unn sai jun, "Jo, disu heilju Jingja waut bloos seetun Wien dringkun senn dann noch fonn daut duun juwordun. Doa mott arjunt waut looss sen juwasst mett disum seetun Wien dann daut kwakat hia gaunts goot!" Dee Shreffft saicht see deedun shpottun.

Ekj nam fonn disu Shreffftshtad daut disu woarun daut juwisst habun daut dee Apostoln nich jujaedun Wien drungkun. See woarun habun juwisst daut dee bloos seetun Wien, soona waut nich jujaet hafft, drungkun. Unn nuu, doaderch daut dee mett framdu Shpraekun radun, unn daut sikj no un jukjwakka hiat, seejun see uutum shpott, "Dee senn foll seeta Wien aureit. Unn dann saicht dee Apostle Peetrus, "Disu senn goanich duun, soo auss jie dengkjun.

G. Johaunus 2 (Message 11 began here)

Wie senn nuu butt dee Shreffftshtad waut daut gaunts miashtu jubrukt woat, unn wien dringkjunt dam Shtampol fo'm Himmol jefft aus unn Gott jusaejunda Dringkj. Daut ess Johaunus 2 wooa Jeesus mol hafft Wien jumaekt bie nu Kjasst. Jeesus unn sienu Jingja wiarun no disu Kjasst jukraucht unn see jingun ukk. Ditt pussiad enn Cauna, en dee Gaulilajashu jaajunt.

Ekj dengk Jeesus sienu Mamu ess aunjushtalt toom halpun no daut Atun too seen. Nu, wie mottun fushton' daut Kjasstun too dee Tiet aundash uutjureedt wordun aus wie juwannt senn. Dee wierun juweenlich fu sawun Daugol. Unn nuu ess dee Kjasst ol unn shtoot aum gon' unn dann ranun see uut aun Wien. Nu, jie woarun fushton daut ekj jleew diss Wien wia seeta Wien, soont waut kjingja unn Fruulied ukk friewelich dringkjunt kunn.

Nuu, auss Jeesus doa wia, senn dee uut Wien jurant

unn Jeesus sienu Mutta kjempt amm daut saijun. Unn doa wiarun 6 grootu Krukkun waut jubrukt wordun fu Wota wooa see sikj waushun kunn daut see sikj Jusatsmasich reinjun kunn. Soonu Krukk hilt fonn 20 butt 30 Galoon. Aulus toop wuudun dee fonn 120 butt 180 Galoon habun kunt hoolun. Daut wuud 3 butt 4 45 galoonju Tonn opp fellun.

Dann saicht Jeesus too dee Deena, "Fellet dee opp mett Wota." Sienu Mutta haud too ann jusaicht see sullun doon waut emma hee ann faa sad. Dann gootun see dee butt bowun foll. Unn dann saicht hee, "Bringt fonn ditt no dam Kjaakjunmeista", unn see deedun daut. Aus dee Kjaakjunmeista daut jushmaikt haud kraugd hee dam Briegaum unn sad, "Doa woat juweenlich daut iashtu daut basstu Wien judeent unn dann daut waut nich soo goot ess. Woo hast duu daut basstu juhoolun butt taejun latst?"

Nuu well wie onns ditt mol goot butrachtun. Wie gon'n daut iasht butt dee 10 Farsht.

1. Goot judrungkun

Enn disu Farsht saicht daut daut opp nu kjasst wort iasht daut goodu Wien ju'brukkt unn dann daut waut nich soo goot ess. Daut jriekashu Wooat waut awasatt ess, 'goot judrungkun' ess daut Wooat 'methuo'. Unn waut mengt ditt Wooat? Ditt Wooat woat juweenlich awasatt aus 'budrungkun'. Zass mol, busied disu Shrefftshtad woat ditt Wooat jubrukkt enn daut Nia Tastement unn aulu Zass mol woat daut awasatt aus 'duun', ooda 'budrungkun' enn dee Engolshu Shreffft.

Waut mengt ditt Wooat dann? Falu mols, wann dee jriekashu Shreffft unn Wooat brukkt, dee meening doa hinga ess Heebraish. Dee waut daut Nia Tastement shreewun wiarun Heebraja waut doa jriekish radun unn shriewun deedun. Hia enn Mexico, wooa jie fal Shpraakun liarun woa jie ditt fushton.

Auss ekj no Biebol Shool jingk toom eng daut fiadu Joa musst ekj 10 doctrines ooda Biblushu Liarun uutshriewun unn jieda Pungk musst 2 Shreffft shtada habun waut dam Pungk unjashtettun

deed. Daut wiarun uutjuliadu Liadash waut ditt dann no seen' deedun. Unn wann see iasht derch wiarun neemun dree Liadash dee Shiela eent bie eent enn nu Shtow nenn, muakun dee Daa too unn dann unjasochtun dee onns. Aus daut dann butt mie wia dan wort mie seeja no jusocht. Doa wia een Pungk doa wull dee een Liara mie nich gon' lotun, unn dee hafft jufraucht unn wadda jufraucht. Unn dann mett een mol saicht hee, "Phil, deed jie Tuus Dietch radun auss duu opp wosst?" Unn ekj sad wie haudun. Unn dann sad hee, "Dann fushto ekj waut duu hia hasst jusaicht." Unn donn wiarun dee Liadash aula too frad jushtallt.

Dee Judangkun hingja ditt Wuuat, 'goot judrungkun' ess Heebraish, oba enn jriekish jushrawun. Dee Shreffft utlaija, John Gill, waut doa Heebraish radt saicht fonn ditt Wuuat daut daut fonn daut hebraa'ashut Wuut "shawkawr" kjempt. Ditt mengt dann daut wann dee Kjasst Jasst sikj iasht goot foll judrungkun habun, dann woat daut Wien ruut jusatt waut nich soo goot ess.

Hia ess daut Bilt. Wann wie bie nu Kjasst senn' unn wann wie onns iasht foll jujatun habun, dann kjempt dee Koffu Kjatol. Unn soo boolt kjempt dee wada. Unn dann, omm unn shtoot kjempt dee noch wadda. Unn shlieslich sai j wie, "Na, bittsheen. Ekj sie gaunts foll." Enn soonu Tiet wuud daut Wuuat 'methu' ooda 'shawkawr' jubrukt woarun.

Nuu well wie onns mol faa shtalun daut dee Juudun, opp nu Kjasst emma Jujaadun Wiendruwun Sauft drungkun. Wann dee iasht gaunts foll wuudun senn, (soo auss ditt Wooat dann wood mengun) dann wuudun dee ombudingt duun ooda busopun senn, ess nich soo? Wann eena, gaunts butt bowun foll fonn jujaedun Wien ess, dann ess eena ukk gaunts Duun. Seeja Duun. Nuu, opp disu Kjasst, auss dee iasht aula duun senn, dann kjempt Jeesus unn maekt noch 120-180 Galoon meeja jujaedun Wien. Waut dengk jie fonn soon Jeesus?

Ekj sai j daut wann ditt jujaeda Wien wia dann wia Jeesus nich Gott. Dann wia hee ukk nich Gott sien San! Dann wia hee nich dee Massiah! Dann wia hee

nich heilich. Dann deed hee Maun fusakjun too fuleidun! Woo wuud hee soon Wien juamekt haben, unn dann enn dee Shreffft jushrawun haben daut een Suupa nich duat Himmolrikj owun kaun? Ditt ess ju nich too budengkun daut daut soont kunn jawun!

Ekj woa hia nich meeja utlaijun awa ditt Wuuat, auss noch too saijun daut dee waut ditt wuudun jleichun deepa no too seen, enn dee Engolshu Bootshofftun hab ekj ditt fal deepa utjulaicht.

2. Dee gooda Wien

Nuu well wie onns noch eenu Sach no seen waut doa seeja wichtich ess disun Wien enn Juhaunus 2 too fushton'. Dee Kjaakjunmeista roopt dan Briegaum unn sad enn dee 10 Farsht, "Aulu Maun, satt iasht dan goodun Wien faa, unn wann dee Jast iasht goot judrungkun haben, dann dan biljrun. Duu hasst oba dan basstun Wien juhoolun butt nuu." Dee Fraug ess, "Waut ess dee gooda Wien?" Wie wuudun fleicht jleewun daut ditt radt fonn oola Wien waut jujaet hafft unn lang julaejun hafft. Oba too Bibol Tiet hilt dee jujaeda Wien nich seeja lang.

Soo dann, waut ess dee gooda Wien? Daut ess nuu onnsu Fraug. Wann dee Wiendruwun Arnt Tiet ess, dann woarun dee Wiendruwun Pingols soo aus enn nu grootu Bett judraucht. Ditt wia juweenlich unn loch em'm Shteen utjuholkat. Nich gauntz unjun enn disu Shteen holling wia nu Rann utjuoabeit waut enn noch een holling nenn jingk. Enn dee grootu holling, dee iashtu wordun dee Wiendruwun Pingols nenn judraucht. Ekj wuud dengkjun butt miaru hundat Punt. Unn dee wicht fonn aul dee Wiendruwun shpretstun fal fonn dee Baarun op unn dee Sauft fongk aun too ran' eeja dee Baarun jutraumpolt wordun. Dee iashta Sauft waut doa rand eeja dee Baarun jutraumpolt wordun wia dee gooda Sauft. Wann nu famielju wuud enn daut komundu Joa nu Kjasst haben, fonn disum basstun Wien wuudun see waich laijun too dee Kjasst.

Wann dee Wiendruwun iasht jutraumpolt wordun dann fumisht dee Sauft met waut wie opp Engolsh 'lees' nann, oba opp Dietch 'dee Gruntsupp'. Diss Wien

wia nich soo goot aus dee Sauft waut kjeem eeja
dee juttraumpolt wort.

Toojoa, auss wie enn Iesreel wiarun sach wie
soonu shtada wooa dee too Jeesus sienu Tiet
haudun Wiendruwun juttraumpolt. Oba wie sagjun
meeja shtada wooa see haudun Olieyun Baarun
uutjudrekt. Unn onns wort seeja dietlich jumaekt
daut wann wie Olieyun Eelj kjeepun deedun, dan
sull wie sont kjeepun waut doa heet 'cold press',
ooda colt juprasst. Ditt ess dee iashta eelj waut
doa kjempt eeja daut fumisht mett dam Gruntsupp.

Nuu, mie woat eensjumol jusaicht, "Dee wunda waut
Jeesus deed aus hee Wien muuak fonn Wota ess
jratta wann daut jujaeda Wien wia aus wann daut
seeta Wiendruwun Sauft wia." Nuuhorcht u'mol.
Wann dee gooda Wien daut iashtu Sauft wia waut
utrاند uut dee Baarun, fonn ditt wuud daut
kjlantstu Poat fonn dee Arnt senn. Uut eenu Galoon
mucht daut een Kuffol gooda Wien jawun. Ekj weet
nich woo fal daut wia oba inuwa daut kjlantstu
Poat wuud dee gooda Wien senn.

Aus Jeesus Wien muuak fonn daut Wota, dann wia
daut 100 pertsent gooda Wien! Ditt ess dee gaunts
jratsta wunda fonn aulus!

SHLUSS: Soo dann, toom Shluss hab wie dann nuu miaru
Shreffshtada no juseen wooa, jrod soo too lasun, wood wie
saijun daut sikj daut soo hiat unn bat Alcohol dringjun
ess gonich shlaicht. Wann arjunt waut, wood wie saijun daut
Jeesus selfst hafft daut unjashtett. Oba dingja senn nich
emma soo aus sikj daut aum aunfangk sitt, unn soo jleew ekj
ess daut mett disu Shreffstada.

Dee Shreffstad waut daut gaunts miashtu woat jubrukkt too
wiesun daut unn bat Alcohol dringjun shecklich ess enn dee
Shreffstess dee Tautsach daut Jeesus, dee, dee doa Himol
unn Iad jumaekt hafft, hafft selfst Wien jumaekt. Oba wann
wie Juhaanus 2 deepa derch dengjun, woo kje wie dann
jeemols butt dam entschluss komun daut ditt ess Wien juwasst
mett Alcohol? Unn dann wann wie fushtonun woo Wiendruwun
Sauft wort jumaekt, unn woon Wien dee aula jierun wullun,
dann fang wie aun too fustonun woo daut werkjlich ess
juwasst, unn waut dam wunda enn Cauna hafft daut gaunts
jratstu jumaekt, unn daut ess daut dee Wien waut Jeesus

hafft jumaekt wia 100% gooda Wien!